

TUMIEZ

***RIMIS E PENSADINIS***

***IN TUMIEZZÌN***

*di*

*Federico Morocutti*

\*\*\*

I TIMPS  
E  
LIS VIODUDIS

\*\*\*\*\*

*Fin al dî di vuei*

# I TIMPS E LIS VIODUDIS

## **Indice**

Al ven carnevâl

Cjargne cres!

Legrie d'invier

Neveade

Stagjons

D'invier dal Zoncolan

## *Al ven carnevâl*

*Carnevâl da sestu stât  
al è un pièz che no ti iodìn  
scjafoât da modernitât  
par agns e agns cidìn cidìn.*

*Ma chest an  
ti ricjatìn  
lêgri san  
plen di morbìn.*

*Cu la mùsiche ch'â sune  
e la sbisie di balâ  
i coriandui ta sachete  
e il gust di mateâ.*

*Cjargne cres!*

*Cjargne, montagne dal Friûl,  
biele ma spes bandonade, cres!*

*Cres par podei vivi.*

*No plui rivalitâz di paisuz,  
no plui frignamenz cun Romis e cun Triescj;*

*ma une unitât par podê cressi  
e sielgi cemût cressi.*

## *L'egrie d'invier*

*Tal blanc da nèif  
da mont ben soreglàde  
une viste lêgre  
a mi è capitàde.*

*A son i sciadôrs  
di tancj colôrs  
che jù a vègnin zigzagànt  
cun slàlom stret o pur gjgànt.*

*Come coriàndui  
su pài linzûi  
di un carnevâl  
che a nol ven plûi.*

## *Neveade dal prin di marz 2001*

*Il cîl al è nulât e cidinute  
la neif a ven jù fissute.*

*A ven sui prâz e su pa strade, sute,  
sui tez das cjasis e das màchinis si intasse dute.*

*Dut al è pûr e blanc, dome cualchi talpinadute,  
ma di lûs a 'nd' è ancjmò pocjute.*

*Lis nùvulis si vierzin, a son un veladin  
e a fasin trasparî dal cîl il celestin.*

*Di colp un grant splendôr,  
al è il sorêli che a dut a i dà colôr.*

*La neif sui cops a pâr une coltrute,  
morbide cjalde e a somê ancjmò sute,*

*sui rams dai àrbui, cui siei ricams di lûs a incjante  
e cuant che a cole, in une nuvule d'arint a sfante.*

*Al è un mont pûr, cjalt, morbit e lusorôs,  
un biel mont lêgri e fiestôs.*

## *A corin lis stagjòns*

*Lis cisilis son tornadis  
la nature si dismôf  
lis 'zornadis son slungjadis  
si cibichin i morôs.*

*Il soreli ben al tuche  
son madûrs racòlz e fen  
e la int a va in vacanze  
par mantègnisi plui ben.*

*I burlàz cui lamps e tons  
a rinfrescjin la regjon  
e il bosc cui tancj colôrs  
al salude la stagjon.*

*Il freit che ormai al crùzie  
la nature al fâs polsâ  
e la neif cul so candôr  
ancje i cûrs a fâs cjantâ.*

## *D'invierà dal Zoncolàn*

*Il Zoncolàn e il so Tamai sùbit daûr  
da Cjargne a son tal mièz a son tal cûr.*

*Plens di neif e di sorêli das Alpis a dan une splendide visiòn  
das rosis Dolomitis as Cjargnelis e as Gjuliis fin tal Cjampòn.*

*Il Tajament e il lâc come slacare darint a si viodin vièrs la planure  
lis Prealpis cuintri lûs a metin in bieles mostre la lôr figure.*

*Si cognos ben la Mariane il Feste e il gros Verzegnis  
il Tinisa il Cuel Gjentîl ma so redût l'è lî l'Arvenis*

*In batude di sorêli in prin plan lis Pesarinis  
cui Cretòns il Cret Forât il Cimòn e lis Fuinis.*

*Tal cîl a pichin là daûr lis altis monz come il Civete  
il Pelmo cui toriòns e l'Antelao une piràmide di crete.*

*Su Sapade ben si viôt dal mont Fier la bieles creste  
e il Peralba chel grandon di ca dal Piave al reste.*

*Si continue cul Cjadenis e plui in là il Navagiüst  
il gros grop dal Volàia sul so pas al rive iüst.*

*Lì di front al è il mont di Crostis lis e blanc ben neveât  
daûr di lui i cretons dal Cogliàns che ti lassin senze flât.*

*Poc plui in là dilà da Bût il cretôs Piz di Tamau e la tonde Avostanis  
il Cuestalte e il Lodin sul confin todesc a son monz benzà lontanis.*

*Ben si cjalin il Zermùle e il Tersàdie che a son a pôc plui di un svual  
si viôt ancje la Crete d'Aip cul lunc e tont mont dal Cjaval.*

*Sul lontan confin cu la Slovenie al è il Mangart un gjgànt  
il Sèrnio il Zuc dal Bor e il Jôf di Montàsio a son propit lî davant.*

*Il famôs Canin al siere il cercli di chest splendit biel creât  
l'è massiz e plen di neif che al pâr di zucâr ben cjamât.*